

lis Gnovis

■ **UDIN.** Messe par furlan



A Udin, la Messe par furlan e ven cjantade sabide ai 2 di Dicembar aes 5 e mieze sore sere, li de capele «de Purità», daprûf dal domo (cun Radio Spazio che le trasmet sul moment). Al compagnarà la celebrazion il Còr «L. Garzoni» di Adorgnan. Al disarà messe pre Claudio Bevilacqua.

■ **GLEMONE.** Un concors leterari pes scuelis bandît dal Comun

Al è rivât, in plene salût, ae 27e edizion il concors leterari «Glemone ir, vuê e doman», bandît dal Comun, par memoreâ pre Pieri Londar, storic de art e scritôr in lenghe furlane. A son trê lis sezions dal premi: la prime si intint a teme libar, e a puedin partecipâ i zovins dai 12 ai 18 agns; la seconde e domande un lavôr di didatiche dal insegnament di cualsisei materie pes scuelis de infanzie e la tierce un lavôr di grup puartât indenant dai arlêfs de scuele de infanzie sot la vuide des lôr mestrîs. I lavôrs – scrits secont la grafie uficiâl de lenghe furlane – a varan di jessi presentâts dentri dai 30 di Avost dal an che al ven.

Miercus 29	S. Saturnin v.	Domenie 3	I Domenie di Avent
Joibe 30	S. Andree a. m.	Lunis 4	S. te Barbare m.
Vinars 1	S. Aloiv.	Martars 5	S. Dalmazi di Pavie
Sabide 2	S. Cromazi di Aquilee	Il timp	Aiars frêts



Il soreli
Ai 29 al jeve aes 7.26
e al va a mont aes 16.24.



La lune
Ai 5 Ultin cuart.

Il proverbi
Di Sante Catarine a Nadâl
un mès biel avuâl.

Lis voris dal mès
Intal ort meti al sigûr i ultins strops di verduris
sot i telos di nailon.

Paulin di Aquilee, apuestul dal dialic

Al meteve adun une grande cognossince de Biblie cuntun resonament fin e profund

Par tancj secui politiche e religjon si son sapontadis in fuarce di interès e obietifs comuns, che par lôr, plui di cualchi volte, a son rivâts a compuartaments che vuê nus lassin parfin scaturîts. Cjapin, par esempi, i tîmps li che si cjatà a operâ – al jere il secul VIII – il patriarçe cividin Paulin te sô ativitât pastorâl e teologjiche. Al jere un timp di violencis e di vueris, come chê discjadenade tra i Francs e il popul dai Avars – chel che al veve compagnât i Langobarts fintremai in Friûl – che a menaçavin i confins a soreli jevât dal Imperi franc. Pòc timp daspò de lôr sconfite e de conquiste de lôr capitâl, Ring, ancje par opare dal princip Pipin e dai nestrîs duchis Indri e Vojnimir, si tignî «ad ripas Danubii» un Concili dai vincidôrs par stabili lis modalitâts di doprâ par evangelizâ Avars e Slovens che a jerin pagans. Di une bande, i Francs, che a volevin imponi la conversion ancje cu la spade; di chê altre Paulin, om dal dialic, convint de dibisugne di doprâ la persuasjon e la tolerance, lant daûr dal Vanzeli. E di fat, tal teritori dulà che a operarin i siei

missionaris – al jere rivât a un tant convincint il Re Carli che cun lui, come gramatic e leterât, al veve vût a ce fâ te cort palatine; la opare di evangelizazion e fo puartade indenant ancje tal respiet de culture e des costumancis, tant che Paulin, tal imaginari di chel popul, al fo listât a «Apuestul dai Slovens». Cetant determinât, invezit, al fo tal combati la eresia adozioniste – che e sostignive che Crist al jere diventât Fi di Diu dome cuant che al fo batîât di Zuan Batiste; cheste eresia e lave cuintri la unitarietât de Santissime Trinitât – e al fo propit intun Concili metût adun dal re Carli a Frankfurt, tal 794, che Paulin al fasè une des dôs «confutations»: in chest scrit, «Libellus Sacrosyllabus», al confutave cun fuarce che Crist al fos dome Fi di Diu. Al jere un teolic di gale, Paulin, che al meteve adun une grande cognossince de Biblie cuntun resonament fin e profund. Sô ancje la uniche opare teologjiche di chei tîmps, «Contra Felicem», scrite par confutâ une opare teologjiche di Felice di Urgel. Al re franc, che i veve cometût cheste opare, Paulin al dedicà un «Carmen de regula Fidei» – voltât par furlan di pre Meni Zannier –, un piçul poeme didatic-religiôs, par tignî vif il sintiment de juste fedeltât e la pôre des penis, che il re franc a 'ndi veve dibisugne di sigûr, tant che ancje Dante lu metarà in Purgatori tra i lussuriôs.



Il patriarçe Paulin di Aquilee

Ma al è tal Concili di Cividât (796-797), chel che lui al pressiedeve, che al palesà la sô grande preparazion teologjiche, cuant che al fevelà de «procession» dal Spirtussant «ex Patre Filioque», proponint l'inseriment, tal «Credo», de espression «Filioque», introdusint cussì la specificitât dal Spirtussant, par palesâ, cu la Sô origin, la comunance cul Pari e cul Fi. Une espression che i Ortodòs no acetaran, inviand cussì la definitiva separazion tra lis dôs Glesias, che e sclopà tal 1054.

Roberto Iacovissi

Giovedì Prima di Tutto

**LE TENDENZE
DEMOGRAFICHE:
DENATALITÀ
E INVECCHIAMENTO
DELLA POPOLAZIONE.
STIME, INTERVENTI
E RIFLESSIONI.**

Durante la serata si svolgerà anche
LA CONSEGNA DELLE BORSE DI STUDIO
agli studenti che si sono distinti
nell'anno scolastico 2022/2023.

Posti limitati. Prenotazione obbligatoria

Dialoghi e riflessioni a cura di:



7 DICEMBRE
ore 18:00
Centro Culturale
delle Grazie
UDINE

RELATORI



ALESSIA ROSOLEN

Assessore regionale al lavoro, formazione, istruzione, ricerca, università e famiglia.



AGNESE GATTI

Dipartimento Politiche per la famiglia, Presidenza del Consiglio dei Ministri.



LUCA GRION

Professore associato di Filosofia Morale all'Università di Udine e Presidente dell'Istituto Jacques Maritain.



ALESSIO FORNASIN

Docente di Demografia all'Università di Udine.

Moderata dalla giornalista MONICA BERTARELLI.